

## 1.UVOD

### 1.1. Evropska unija – pojam i članice

Evropska unija zauzima veliki dio evropskog kontinenta, od arktičkog pojasa do Mediterana i od Atlantika do Bliskog istoka. Evropska unija predstavlja rezultat dugogodišnjeg procesa saradnje i integracije evropskih država koji je započeo 1951. godine između šest zemalja (Njemačka, Francuska, Italija, Belgija, Holandija i Luksemburg) i u stalnom je procesu mijenjanja i razvoja. Danas, nakon šest krugova proširenja, EU broji 27 država članica (šest država osnivača, Velika Britanija, Irska, Danska, Grčka, Španija, Portugal, Austrija, Finska, Švedska, Litvanija, Letonija, Estonija, Poljska, Slovačka, Češka, Mađarska, Slovenija, Malta, Kipar, Rumunija i Bugarska)<sup>1</sup>. Države okupljene u EU povezuje posvećenost zajedničkim načelima: slobodi, miru, demokratiji, vladavini prava, poštovanju ljudskih prava i osnovnih sloboda i poštovanju nacionalnih identiteta država članica. Pojam „Evropska unija“ usvojen je Ugovorom o Evropskoj uniji koji je potpisan u Mاستrihtu 1992. godine.



Sl. 1. Zemlje članice EU

<sup>1</sup> Evropsku uniju osnovale su 1957. godine šest država kao Evropsku ekonomsku zajednicu. Ovoj zajednici prethodila je Evropska zajednica za uglj i čelik koja je osnovana 1952. godine. Danas Evropska unija ima 27 zemalja članica koje su postupno pristupale članstvu u pet procesa proširenja. Najveće proširenje bilo je 1. maja 2004. kad je uniji pristupilo 10 država. Posljednje proširenje bilo je 1. januara 2007., kad su članice unije postale Bugarska i Rumunija.